

上卷

書名 風洞山傳奇二卷 光緒三十二年上海小說林社排印本
 撰者 呆道人 撰
 卷 上卷
 內容分類 集-詞曲-南北曲-近人
 索書號 雙紅堂-戲曲-44
 編號 D8501900

說 小

風洞山傳奇上卷



長洲呆道人著

巨意 (副末上)

〔滿江紅〕搔首呼天。怎消却胸中煩惱。問底事。離宮卅六。亂生碧草。荆棘銅
 駝窟。泣旌旗。鐵甲胡人笑。飲屠酥。醉倒祿山兒。狂呼嘯。滇營裡。叅謀少。
 玉門外。將軍老。歎而今已矣。夕陽古道。日暮徘徊黃歇浦。天涯太息田橫島。
 感飄零。紅粉與青衫。無人弔。

紺珠殉烈湘清閣。
 式耜盡節仙鶴巖。
 開宇祝髮華嚴寺。
 墳父脩墓風洞山。

彩色首頁1

東洋文化研究所漢籍目錄 編號: D8501900
 東洋文化研究所漢籍目錄所藏漢籍善本文影像資料庫 索書號: 雙紅堂-戲曲-44
 漢籍善本文影像資料庫文本風洞山傳奇二卷 光緒三十二年上海小說林社排印本
 版權所有 東京大學 東洋文化研究所
 使用上的注意事項

目 錄

刺 焦
埋 忠
辭 墓

入 海
哭 母
殉 烈

風 洞 山 傳 奇 上 卷



長 洲 呆 道 人 著

宣 意 (副末上)

〔滿江紅〕搔首呼天。怎消却胸中煩惱。問底事。離宮卅六。亂生碧草。荆棘銅駝。窮士泣。旌旗鐵甲。胡人笑。飲屠酥。醉倒祿山兒。狂呼嘯。滇營裡。叅謀少。玉門外。將軍老。歎而今已矣。夕陽古道。日暮徘徊黃歇浦。天涯太息田橫島。感飄零。紅粉與青衫。無人弔。

于紺珠殉烈湘清閣。

瞿式耜盡節仙鶴巖。

王開宇祝髮華嚴寺。

楊碩父脩墓風洞山。

宣 意

宣 意

一

第 一 齣 遊 湖

〔破齊陣〕(生巾服上未扮院子隨上)(生)一個飄零身世十分冷淡肝腸(齊天樂)
脫却青衫撐開白眼未改寒酸模樣(破陣子尾)寶瑟銅琶彈秋月濁酒寒燈
夢戰場宮鴉棲短牆

花背殘枝着地飛。客中身似柳依依。傷心一片珠江月。破碎秋光上短衣。小生姓王名開宇。表字
蕩懷。父親永祚。現拜寧遠伯之爵。同趙印選胡一青統領大軍。駐紮榕江。家中止有老母一人。因
此隨父任所。免勞遠念。就在省城內延安坊居住。與榕江相隔。止有百里。魚雁往來。倒也便捷。小
生小時曾聘下于元燁小女紺珠為妻。只因滿地兵戈。遲我數年。琴瑟這却不在話下。只是小生
生於亂離之時。蒿目時艱。一籌莫展。回望故宮。燕雲慘淡。況且他鄉風景。觸目傷心。却叫人怎生
掙扎也。(淚介)

〔風雲會四朝元〕(五馬江兒水)羈人情況。蕭蕭鶴髮長。况銅駝荆棘。更是惆

悵世之事何擾攘（桂枝香）問蕭條故國問蕭條故國（柳搖金）瓦礫荒寒月滿
昭陽禾黍高低秋深江上（駐雲飛）一片淒涼象嗟古木朔風涼（一江風）大好
河山破碎成何樣南渡野草香西陵野花長（朝元令）空剩我傷今弔古悲悲
切切這般形狀

（末）相公不必煩惱還是出去散心一會（生）咳你教我到何處去來（末）城外西湖上湘清閣
相公從未到過何不走一遭兒（生）這却使得（行介）（到介）（作上閣介）呀是好風景也（想
介）我想杭州有个西湖此地也有西湖杭州的西湖早經過了南渡興亡之事此地的西湖倒
也安然無事只怕也免不來這些劫運也（作玩賞景物介）

〔前腔〕憑闌凝望天風滿袖涼算湖山風月兀自無恙日麗天氣爽念西冷
景物念西冷景物桂子荷花錦繡錢塘玉笛瓊簫勾欄門巷寫不了風流帳
嗟蟋蟀半間堂南渡江山一例都拋漾西湖呵你雖僻處廣西只怕與臨安一樣今日

風光柔媚却分外替你擔愁也梅花動晚香桃花泛新漲這風光旖旎齊齊整整依
舊是太平形象

莫說西湖就是秦淮一水在弘光時何等風流後來北兵一到變做了一堆青草（長嘆介）咳弘
光啊都是些烟花風月擔誤了你也

〔前腔〕秦淮秋漲西風舊院荒便鶯花三月有甚歡暢往事勞夢想歎南朝
事業歎南朝事業血濺平原骨掩沙塲鬼嘯磷飛鳥啼花放不是中興象嗟
再莫問弘光燕子春燈艷曲無人唱離宮內摧殘八寶妝御床前凋零九華帳
單剩下荒烟蔓草蕭蕭瑟瑟沒人遊賞

咳你想今日的秦淮如許衰敗恐怕數年以後此地風景也與秦淮差不多了（轉念介）我想當
今永歷帝遠勝於弘光或者半壁江山可以保住此地風景也可以不罹兵革（又念介）只是國
勢衰弱却教我怎生不愁也

〔前腔〕胡笳悲壯。邊聲下夕陽。道天涯遊子。憔悴模樣。引領思故鄉。望南天
灑淚。望南天灑淚。月夕花晨。分外淒涼。夜雨朝雲。平添悵悵。愁與春湖長。嗟
烽火滿瀟湘。一個書生。半世遭魔障。窮途易感傷。浮生苦飄蕩。對着這湖光
山色。悽悽慘慘。愈增悲愴。

〔雜上〕爺原來在此遊耍。家中接了家書。老夫人要爺商酌哩。〔生〕如此歸去罷。〔作下閣介〕

〔尾聲〕沿隄殘柳。因風響一秣。裏天空雲曠。只我這萬種愁思。好似百箭穿心。這却
如何是好。便長爪麻姑。也搔不着我。心中癢。

中年哀樂感琵琶。

食肉諸公井底蛙。

鐵笛一聲明月小。

隔籬開徧杜鵑花。

第二齣 祭花

〔甘州歌〕〔場口設花十餘盆。且淡妝回貼上。〕〔八聲甘州〕〔且唱〕東風太狠。道海棠顏
色褪了三分。花開花謝。撩亂幾多春恨。輕衫已嫌羅袖薄。角枕難銷珠淚痕。

〔排歌〕長橋外楊柳新。眉兒深淺畫難真。闌干外花草勻。漫天涼雨又黃昏。

〔虞美人〕銀荷冷照江波淺。小扇還遮面。碧紗窗下繡鴛鴦。要作七襄雲錦嫁衣裳。胭脂淡暈

梨渦膩。薄恨從頭記。可知門外碧桃花。到底怎生攀折在誰家。奴家于紺珠是也。年方二八。體不
勝衣。只是生小多愁。未解生人樂事。不幸老母早亡。終鮮兄弟。父親元燁。現在瞿式耜處。掌理錢
糧。家中止奴一人。因此隨父桂林。奴家幼時。曾許與王開宇。聞他也是隨父任所。所以不知音耗。
這也不在話下。今日晚寒天氣。小雨連綿。越教人百般愁煩。〔貼〕有。〔旦〕你看亭外花枝。經
了雨兒。更覺零落了。

〔前腔〕〔換頭〕風光正暮春。又妬花風雨。零落誰問。殘紅鋪地。猶賸那時風。

韻鶯啼已隨春事歇。蠟照空留涼夜。痕愁滋味酸也辛。(指花介)你花呵。閒庭
淒苦奈愁魂。愁天氣寒又溫。(自指介)便是我呵。閒閨淒苦奈愁人。

(掩淚介)拾花瓣置几上堆成一團介。茵娥你與我將酒兒來待我祭一番花兒者。(貼)醉酒
旦拜介花呵。自古來只有弔你葬你痛你惜你。沒有過來祭你的。今日我于紺珠來祭你波。
小旦花神妝掩上。小仙花神便是。因于紺珠特地祭花。倒也一番佳話。只是他生來命薄。無可
解免。為此來點悟他者。(散花瓣落地結成花夢兩字介)(神掩下)(貼)咳。小姐這花兒結下兩
個大字來了。(旦起立看介)花夢。(打悲介)咳。花呵。花呵。你也是一場春夢。便人生一世。豈不是
個夢呢。只我紺珠的夢。正不知甚時醒也。

[前腔](換頭)腰肢瘦幾分。便夢兒長久。黃梁一瞬。年華如箭。人共花都盡。
癡情早同飛絮去。好事惟餘殘夢。溫風和月。忙殺人。鏡中花影認前因。生和
死都未真。水中明月是前身。

莫說人生是一場大夢。就是國家。也是這般結果。你看我朝的事業。大半歸於烏有了。豈不可傷
呢。

[前腔](換頭)淒涼杜宇魂。算秣陵宮闕。寒灰飛盡。銅駝垂淚。門外怪鳥依
人。冬青樹老。霜露涼。錦帶枝殘。蜂蝶恨繁華。夢宮草春。玉鈎斜。畔野花新。休
回首。風正緊。昭邱松。檟閃寒燐。

(大哭介)國猶如此。何況乎人呢。也罷。茵娥。你將花朵打疊个包兒者。(貼)掃花打包介。花已打
疊起了。天色已晚。小姐可進去也。(負包徐行介)(旦)

[餘文]打花包。排花陣。晚來還作祭花文。(貼)不怕花兒先笑人。

(旦)鶯花三月已凋傷。野草紅心滿地香。

(貼)一種閒情忘不得。春光容易斷人腸。

第三齣 閱兵

(淨領衆軍舊旗破甲上)一腔忠憤血半壁大明朝。吾乃焦璉便是。職居叅將。爵封開國公。願爲戰鬼。耻作降王。現隸瞿式耜麾下。今日是大閱之期。本擬整頓軍威。演習一通。爲他日戰死之地。不料糧臺於元燁剋剝軍餉。浪供揮霍。以致器械不齊。豈不可恨。幸而部下軍士。都知大義。不至因些些小事。妄起爭端。軍士們(衆繞場介)有(淨)先至校場伺候者(引衆下)(副末)(上)垂楊幾樹故宮雲。(老旦上)匝地風吹九廟塵。(丑上)笑罵且由他笑罵。(中淨上)朱衣騎馬究誰人。(副末)下官吳炳。(老旦)下官吳貞毓。(丑)下官朱盛濃。(中淨)下官朱盛調。(合)我等皆明朝大人。現在桂林。幫瞿式耜守城。今日是大閱之期。閣部親自看操。我們且在此伺候。(外)(袍笏引隊上)

〔啄木兒〕雄心苦遺恨。多末路英雄。添個我大漢家。到此收場。要我做些生。活。恁般壯心。休磨挫。天生我來。非輕可。半百年光。愁裡過。

第三齣

十

風洞山傳奇

城闕大旗紅。斜陽感慨中。冬青留夜月。金石蝕秋風。白草仍荒土。寒鴉傍故宮。奇懷何處寄。醇酒碧翁翁。老夫瞿式耜。江蘇常熟人也。官拜文淵閣大學士。兼吏部兵部尚書。賜劍便宜從事。匈奴未滅。所痛者國事之日非。故國猶存。所幸者河山之未死。上年廣州一破。車駕奔至梧州。幸老夫力爭還變。乃由平樂而還桂林。今年二月。清兵襲平樂潯州二處。分攻桂林。車駕又至全州。老夫因桂林形勢大有可為。因此自請留守。叨蒙許可。主上隆恩。也算不可多得了。今日是閱兵之期。大小三軍。已在校場伺候。急索去也。(副末老旦丑中淨各參見介)(外)諸君可先至校場。老夫便來了。(副末等下)(雜扮家童上)張同做老爺在外邊。要見大人。(外)有何事情。(雜)他說要到靈川去。特來辭行的。(外)如此你領他到書房中去。請楊碩甫師爺陪伴一刻。待我閱兵回來相見罷。(雜下)(外引隊下)(淨副末等各領兵全上)(擺隊介)(外上)(諸將打恭介)(外)老夫統率三軍。前滅北虜。此次閱兵。非同小可。諸君不可怠慢。就此開操。(內起第一通鼓。衆排陣介)(外)

小 說 林

〔前腔〕軍聲壯。陣法多。半壁江山全仗我。(衆舞刀介)閃電光劍影。刀花。(內起第二通鼓。衆換陣介)(外)轉眼陣圖離合。(衆射箭介)(外)雁翎亂飛。流星過。(內起第三通鼓。衆收隊介)(外)將軍本該沙場臥。(內鳴金。衆退下)(外)隊是熊羆軍。鶴鵝。(淨)操演已畢。閣部有何分付。(外)軍士們操演還好。只是旌旂鼓角。甚是破壞。這是什麼意思。(淨)閣部問及此事。小將不敢撒謊。自從于元燁管了糧臺之後。軍器糧餉。無一齊備。幸而不起爭端。這就是閣部的洪福了。(外氣悶介)咳。豎子幾誤乃公事。如此說來。那些軍餉。定被他侵剋許多。但這等世界。就是銅山築起。有何好處呢。

〔二段子〕臭銅幾個。這般錢何須要他。臭名遠播。這般人而今最多。咳。也怪不得他。你看滿朝官兒。那個不像他來。做官本來聲威大。黃金暮夜重包裹。怎怪他每偏好貨。

(探子上)報報報。平樂潯州已被清兵攻破。桂林存亡。朝不保夕。請閣部區處。(外頓足介)呀。呀。

風洞山傳奇

十一

第三齣

十二

大事去矣。你且退下。(探下)(外)

〔歸朝歡〕烽煙惡。烽煙惡。到今奈何戰和守。誰人擔荷。肝腸斷。肝腸斷。到今怎麼。家和國。誰人輔佐。桂林一隅。今雖可。潯州平樂。都殘破。生死存亡一剎那。

且同到我衙內商量麼。

中興大業委塵沙。

笳鼓轅門掩落霞。

平地風波何事急。

春風又發戰場花。

第四齣 潛師

〔憶秦娥〕(副淨時服引衆軍執火把上)真無奈。三軍轉戰連番敗。連番敗。這般模樣。好生奇怪。

殺氣連天末。朱明尙有人。攻城城不破。愧見背嵬軍。自家孔有德便是。奉了主上之命。來取兩粵。大軍所至。紛紛投順。現在到了桂林。遇着個舉式。却輸了數陣。正在無可奈何之際。誰想陳邦彥。攻打廣州。咱每軍士。腹背受敵。幸而城中未知此事。所以不曾大敗。事到如今。只得掩旗息鼓。連夜歸去。孩子每(衆)有(副淨)你每於附近地方。多設疑兵。多放槍礮。天已將明。就此啓行罷。(衆)得令。(引衆繞場下)(內作連珠礮聲介)

〔山坡羊〕(外冠帶領衆軍上)困騰騰。不堅牢的營寨。冷颼颼。不經穿的衣鎧。撲通通。不耐煩的鼓聲。苦煎煎。活欠下的刀兵債。我瞿式耜聞警之後。深恨于元燁之誤事。幸被丁魁楚。參了一本。現已解職而去。因此部下軍士。俱有喜色。出軍對仗。連勝三陣。只是

北兵尙未退去。不免巡城一遭者。旗幟開陣兒先布擺。孤城困守如何耐。青鬢全隨人事改。咳。最可笑者。前日北兵一到。城中官吏逃走一空。悲哀南朝人忒煞乖。(場設布城一座外領衆巡城遙望介)疑猜北朝兵不見來。

這也奇了。昨夜礮聲不絕。今朝影跡無蹤。北兵究在何處。(淨焦瑾引隊唱凱歌上)(見介)閣部洪福。北兵去也。(外)怎的就此肯去。(淨)小將爲了此事。率領衆軍。出城察看。三十餘里。不見一虜。後來問了土人。方知陳邦彥攻打廣州。所以引兵東去。(外)雖則如此。將來終有一番爭戰。據我看來。北人未必干休也。

〔水紅花〕旌旗戎馬定重來。望天涯心兒愁壞。(淨)怎生是好。(外)老夫既守此地。生死共之。萬一有變。有死而已。不可以成敗論也。寒鴉枯木夕陽哀。不應該論人成敗。目下北兵雖退。不可不爲將來地步。且將後來情事慢慢地安排。(各下城介)舊時城郭未經災也囉。

敢煩將軍掩擊一通。爲邦彥分勞。(淨)敢不效力。小將就此去也。(各分別欲下介)

(外)舉目淒涼事已非。

綠楊陰裡子規啼。

(淨)故家雲樹今猶在。

淝水荒寒草木稀。

第 五 齣 鳩 媒

〔丑愁容上〕事事討愁煩。做官委實難。命中無福氣。不必使刁鑽。我乃于元燁便是。前年在瞿式耜處。幫辦糧臺。討個沒趣。解職而歸。上年巴結了何吾騶。依舊興頭起來。提督楚軍。不想命運不濟。楚地盡失。無可奈何。只得趕到行在。說些鬼話。欺蒙皇上。現在結下一個闊綽朋友。趙印選。言言合意。事事投機。我老子的時運。又未了。他有個兒子。喚做伯談。將欲聘我小女。我醉後一時應允。怎奈小女已許王氏。爲此狐疑不決。如何是好。

〔黑麻序〕沒法調停。甚來由教我。背了前盟。硬將咱做出。賴婚行徑。心驚。因緣天作成。人謀終不能。莫相爭。幾寸紅絲繫住。萬種恩情。〔尋思徐行介〕

〔前腔〕〔換頭〕思省此事難行。况孩兒身子嬌薄。不可造次。倘孩兒知道。又要生病。料心中憂鬱。生死難定。他母親已死。年紀雖大。志節却好。零丁年華。雖長。成花開。是女貞。倘若與他說明此事。還不知怎生悲切也。淚盈盈。只怕柔腸寸斷。不忍來聽。

(轉念介)(搔首介)只是這樣闕人肯來俯就。我老子的功名。又可開復了。這等看來。還是許與他爲妙。(搖頭轉念介)呀。不安。(悶坐介)(中淨扮媒婆上)(西江月)一副希奇面孔。幾條狠毒心腸。齒牙伶俐不尋常。打扮風騷模樣。還有一樁長技。房中本事精強。夜來勾引少年郎。貼着肚皮不放。我乃媒婆。只因趙家公子。欲同于家聯姻。央着老娘。前來說親。來此已是不免竟入。(作到介)(見丑介)大人在上。小婦人拜見。(拜介)(丑)你是何人。來此何幹。(中淨)我奉趙大人之命。特地前來。爲公子說親。大人呵。這等親事。委實攀得。況且我家相公呵。

〔錦衣香〕公子行。溫柔性。才子行。風然品。天生旖旎風華。龐兒又整。多才多貌。又多情。這般配偶。定是天成。謝牽絲月老。締姻緣名士傾城。喜事今番定。三生福命。問誰人撮合。是咱媒證。

(丑)但小女已字王氏。此事怎生布置。(中淨)王氏貧乏。且官職在趙氏屬下。你改字趙氏。料他也不敢什麼。想我趙家呵。

〔漿水令〕勢雖低。何人敢爭。事雖難。何愁不能。問君真個訂鴛盟。做甚假腔。做甚行徑。(丑)並非我裝模作樣。實因小女本性貞烈。若有不肯。反要費事。(中淨)(凝思介)既然如此。吾有一計。你說王家公子。一病而亡。然後我來此地。只算另有親事。怕他不從呢。攢圈套。混死生。怕道伊行。猶不肯。(丑連點頭介)妙極。(忽然愁容介)還愁怕。邀愁怕。好事不成。聊將就。聊將就。妙計先行。

〔尾聲〕婚姻算是今朝定。多謝媒婆來作證。且進去說說看。如今且去胡行。

只怕女兒爭論。

(中淨)還仗阿爺幫襯。

(丑)但求阿爺做官。

(中淨)不管女兒倒運。

風 洞 山 傳 奇



第六齣 夢驚

〔破齊陣〕(旦倦容貼携燭同上)(旦)(破陣子頭)倦眼羞看歸雁回頭笑指牽牛(齊天樂)水淺風凉天高露冷正是新寒時候(破陣子尾)月映紗窗愁多少人臥璇閨夢逗留風光交了秋

小 說 林

我于紺珠年華漸長愁恨偏多前日聞得王郎病故父親恐奴家悲悼秘不使知後來聞得父親將奴許與趙氏婚姻之事父母作主這也由他罷了奴家自從祭花之後一病懨懨直至今日光陰易過早又是一番秋景今日身子困乏分外愁煩侍兒你扶我去睡罷(貼)曉得(置燭几上扶旦伏几睡介)(貼)天已不早奴家也要睡了(下)(旦熟睡魂出座介)(四顧介)呀這是甚所在呀(遙指介)

〔雁魚錦〕(雁過聲)甚鴛鴦瓦鱗蓋畫樓(繞場行介)背長堤穿過紅牆後偏幾樹柰花都消瘦這其間果清幽廣寒宮原許人遊珠簾齊上鉤(內作樂介)

風 洞 山 傳 奇

且聽介)呀原來此地是頑的地方。消遣的是春花秋柳。受用的是歌裙舞袖。待我細聽者(內唱且聽介)姻緣錯註了鴛鴦牒。三生的舊好難重結。不是我疼惜你碧桃花。都是這沒主張的東風。把你來委落塵沙。你待埋怨煞誰來。止好埋怨你的爹和媽。(且)這詞淒涼的緊。待我再聽來。(內又唱介)你莫說淒涼話。都為你這粉孩兒。弄得他跋扈將軍。胡廝打亂紛紛。不成天下你一個人兒。倒會得胡嗑牙。邪曉得普天下的人兒。都把你來罵。(且)奇也。這是什麼意思呢。(定神細聽介)(內又唱介)你看故宮前。棲滿了烏鴉。你切莫去憑弔他。他是軟丟答的帝王家。沒來由被幾個狠毒的人兒。丟掉天下。最傷心離宮三十六。但願這破碎的鴛鴦瓦。你聽一聲聲的胡笳。天哪。你尙兀自粧聾啞。(內作風起介)(且寒顫介)(猛擡頭介)咦。方纔的歌舞樓臺。被幾陣風兒吹得乾乾淨淨。好奇怪也。(一犯漁家傲)回頭雲散風流。算內家詞客。飄零够梨園故友。可知道大半人非舊。說來好痛心也。秣陵久將王氣收。孝陵久聞杜宇愁。長陵久變荒邱。如此說來。那些蜃氣樓臺。自然幾陣風兒。都要吹散了。參悟否。不過幻夢浮

小 說 林

漚把興衰存亡一筆勾。沒打緊數行傷心淚。沒道理滿腔家國憂。(生僧裝上)一切有爲法。露電與泡影。小娘子敢要參破這奧妙麼。(且)望長老指點。(生)如此你隨我廟裏來。(同行介)(作入廟介)(外小生扮神外蟒服玉帶小生巾服斷臂上端坐不動介)(且)長老這是何神。(生指外介)這是目神。(指小生介)這是長神。(且)怎麼斷臂呢。(生大笑介)且同你上山去。(作出廟介)(外小生各下)(生且登高介)(遠望介)(衆扮軍士譁殺繞場下)(小生王服乘舟揮淚雜搖櫓隨上繞場下)(且)這都甚的道理。(生)天機不可洩漏。將來自然暗合。老僧去也。(且)長老就去麼。(生不理介)(下)(且)教我如何猜法呢。(小且)(仙裝上)天風吹下步虛聲。千萬情由話不明。爲報海棠春。睡足仙人未免太多情。姐姐你參甚麼因由。還是同我走走罷。(携手同行介)(小且)姐姐。方纔長老。可知是何人。(且)不知。(小且)就是王開宇。怎的不知呢。(且)打悲介)咳。姐姐。你不知他死的了。(二犯魚家鐙)溫柔夢斷瓊樓。早三生拆散鴛鴦偶。鏡裏因緣。香消粉褪。試問空王。爲甚因由。天長地久。便夢中相見。可還能够。

風 洞 山 傳 奇

姐姐。你倒說就是他。豈不可笑呢。生前早已先分手。死後如何反聚頭。(小旦大笑介)
 何嘗死來。(旦疑介)(小旦)你也不須疑慮。我與你看。(懷中出鏡授旦介)(旦照介)(大驚介)
 小旦)可見些什麼。(旦)只見一女子死在道旁。有個老僧替他掩埋起來。(小旦)姐姐可曉得什
 麼。(旦尋思介)(喜漁燈)蘭因絮果難參透。丟拋下皮囊一個。未免遺臭。謝慈悲
 葬他。道空花幻塵齊罷休。大抵來落花風雨傷心緒。幾曾有紅顏長壽。終是粉
 黛骷髏。(小旦搖頭介)不是這個意思。(旦)怎生推究。(小旦笑介)形形色色何能究。渺
 渺茫茫無可求。(丑扮于元燁微服上)(猛虎跳上銜丑下)(小旦掩下)(旦大駭介)呀。父親
 被猛虎銜去了。這怎麼處。(大哭介)(仍伏几上作醒介)啐。原來在此做夢。不知此是甚時候了。
 內打五更介)(旦)(錦纏道犯)五更後。俏魂靈。如今醒不。一枕賽仙遊。待我把
 夢境想來。甚樓臺歌舞。轉眼都休。俊王孫天涯浪浮。癡公子夜臺厮守。猜不破
 這根由。(想介)剛纔醒來。如何大半忘却。再想也睡不着了。(內搥鼓介)(旦)你聽 城頭鼓

角聲悲壯。不是愁人也要愁。

天已將亮。且去再睡。夢中凶吉。明日再講罷。

幾番喜懼斷柔魂。

千古江山如一夢。

翡翠衾寒認淚痕。

黃梁未熟不須論。



小 說 林



第七齣 書規

〔月雲高〕（末扮胡一清上）（月兒高）埋愁無地。國事如兒戲。閱盡滄桑。劫短盡英雄。氣西臺鐵如意。擊碎可奈何。嗟余苦行役。蹉跎復蹉跎。人生不得志。立賞寂山阿。茫茫家國恨。盛衰委逝波。何圖興亡事。今古乃同科。已矣勿復道。涕淚肆滂沱。下官胡一清是也。統領三軍。力圖恢復。同趙印選王永祚。稱為演營三將。不想王趙二人。大起爭端。下官實不知其細。後來知得王將軍與于元燁。曾為兒女姻親。如今于元燁。又將愛女。另許趙氏。換個婚姻。使個連環計。因此他兩個。各懷私怨。置國事於不問。下官分外焦灼。萬一北兵知悉。乘虛而來。也是意中之事。擺下常山陣。飛下陰山騎。〔渡江雲〕○動地關山聞鼓聲。只我一人。如何遮架得住。空則是血淚酸辛。彈鐵衣。

（長歎介）他門逍遙自在。獨我一個人兒。擔當大事。太覺不平。我也不管這興亡的閒賬了。（雜扮家童持書上）平樂焦將軍有書在此。（末）取來。（雜遞書與末科）（末讀介）璉承閣部之命。

第七勳

二十八

援陳邦彥於廣州。賴列聖之靈。平樂陽朔。次第而定。北兵雖敗。未必干休。璉故駐師平樂。爲進退左右之地。北兵果由湖南而來。全州一隅。危而復安。梧州一隅。得而復失。當此之時。正臣下竭忠盡智之秋。豈可以私憤而廢國家之大事。頃聞滇營中王趙成隙。璉始疑之。繼知于元燁背王氏之盟。受趙家之聘。行爲詭譎。無所不至。曩在桂林。璉固深知其細者。而二君以兒女之事。自相攻擊。是予敵人以可乘之端也。智如足下。何料不及此。願足下鑒愚之誠。婉言以釋二君之怒。而以國家爲念。則天下幸甚。(末)焦將軍你太多事了。我苦口極諫。他門只是不聽。教我有甚法子呢。

〔前腔〕唇焦舌敝。再也休提起。只不知于元燁是甚的意思。拆散文鴛侶。另揀乘鸞婿。魘地思量。此事誠何意。你說以國家爲念。教我一人做得甚來。我如今呵。歎下煩愁擔。踏上逍遙地。不管塵寰間是非。把這個重擔千斤交付伊。

看他們如何處置也。

李代桃僵事太奇。


倉庚療妬最相宜。

問渠湖上騎驢客。

可記當年騎馬時。



風 洞 山 傳 奇



第八齣 留駕

〔卜算子〕(四旦內監妝束引小生王服上)(小生)痛哭小朝庭。百事多將就。長樂宮中蔓草愁。胡馬西風吼。

小 說 林
涸轍窮途淚不乾。可惜面目太辛酸。龍樓鳳閣都拋卻。夢繞荒山夜月寒。朕乃永曆帝便是。自從廣州一破。奔波逃逝。無可安身。一至全州。兩幸象州。上年以大臣力爭。只得又還桂林。南安侯郝永忠與瞿式耜為難。無可奈何。將郝軍駐紮興安。誰想北兵直犯靈川。郝軍大敗而還。如此情形。桂林萬不可居。現已整頓輜重。即夕西走。咳。好不悽慘也。(升坐介)(外冠帶袍笏上)老夫瞿式耜。聞聖上因郝家兵敗。不免驚恐。將欲棄此而去。待老夫諫諍一番者。(跪介)老臣瞿式耜見駕。(小生)免禮。(外)萬萬歲。(起立介)老臣聞得聖上西走。可是真的。(小生)南安侯兵敗而歸。此地恐不可守。因此即日西行。別圖良策。(外)老臣以為桂林形勢。大可作為。主上既來。生死共之。

〔上馬踢〕輿圖控上游。形勢山川秀。東南險要區。本來容易守。底事倉皇車

駕蒙塵。又爲甚來由。子細思量。何苦風塵走。

(小生)只恐守不住來。反貽誤朕躬。(外)陛下說那裏話來。

〔勝葫蘆〕我雪涕登壇報國仇。拚死更何憂。(小生)卿不過欲朕死社稷耳。古來天

子蒙塵。也是有的。君不見走馬岐山猶避寇。(長歎介)咳。帝王末路。何事苦淹留。

(掩淚介)(外亦涕泣介)(小生)東南大事。卿自當之。朕今去也。(外)陛下就要去麼。既然如此。

待老臣送駕。(跪介)(小生同四旦下)(外起立介)(嘆介)教我如何擺佈呢。

〔皂羅袍〕一片孤城依舊。怕蒼黃大劫。又起戈矛。風霜空抱杞人憂。江山願爲王孫守。死生有命。頭顱尙留。盛衰遞換。山河已休。問中興建業誰能毅。

獨立難支大厦傾。合成衆志作干城。

桃花馬上銜杯笑。落日千山鼙鼓鳴。

第九齣 慶祝

(淨引衆上)乾坤板蕩三千里。風雨荒寒十八灘。我焦璉駐紮平樂。上月聞得桂林有變。主上西行。留之不住。北兵蜂擁而來。辛被閣部竭力殺退。不料三月中。李成棟投誠大明。將全廣還我。無意之中。有這等喜事。真個料不及此。如今聽說閣部上疏。定由廣出楚之計。正是絕妙機會。未知主上允從與否。(笑介)我好喜也。

〔念奴嬌序〕天心未死。仗擎天手段。着意經營。破碎金甌。重補綴。依舊天地安寧。果能趁此機會。克復故土。豈不是好。歡慶花發西宮。鶯啼上苑。官家幾度好風景。(衆合)惟願取重安九廟。天下昇平。

待我焚香拜天慶祝一番。左右取香來。(衆設香案淨焚香拜介)(唱)

〔前腔〕(換頭)恭敬焚香告稟。我想瞿閣部由廣出楚之計。真乃巧妙。天呀。願如今恢復中原。荆楚先定。聖祖神宗。還望你天上爲民祈命。垂聽齊晉。東西江淮。南

北故家遺老望中興。(合)惟願取重安九廟天下昇平。(起介)(轉念介)只是王永祚趙印選近來頗不和睦終非好事。(長嘆介)咳。

〔餘音〕和衷共濟祈公等戮力同心敵北兵。方能够汗馬勤勞報聖明。

一天星斗月如鈎。

新得滇南十二州。

自是君王多幸事。

不然麋鹿又長洲。



第十齣 入關

〔菊花新〕(副淨引衆軍鼓譟呐喊上)掄刀跨馬豎旗旛。會見元戎奏凱還。踏破賀蘭山。何況有貔貅十萬。

自家孔有德兩至桂林。都被瞿式耜殺敗。再想整頓軍馬。同他大戰。怎奈李成棟將兩廣投降他門。咱家只得堅壘不動。恰好成棟已死。南雄全州又被咱門攻破。孩們子。(衆)有。(副淨)前面是何地方。(衆)前面是嚴關了。(副淨)且住。我聞嚴關爲滇營三將所守。且慢慢去攻他。(衆)大人有所不知。滇營三將各有私怨。不肯共守封疆。如今糧草俱無。俱入桂林分餉。關中空無一人了。(副淨大喜介)妙呵。天賜我成功也。如此且殺上去。(衆)得令。

〔尾犯序〕(副淨)談笑下嚴關。喋血玄黃。大局糜爛。馬到功成。把神州掀翻。(場設布城挂嚴關扁額副淨引衆進城介)呀。果然是座空關了。我等在此也無道理。前面便是榕江。併力殺將前去。劫他的老營。(衆繞場穿陣介)(副淨)此間是榕江了。怎麼闕無一人。止存空寨。

在此難道聞我要來。都逃去了。好奇也。追趕。天上的將軍怒發。地下的庸奴驚散。真奇事。追奔千里。微倖是今番。

如今桂林措手可得。不必攻打了。天色已晚。就在空寨中權宿一宵了罷。(衆)是。

霜壓兜鍪夜氣陰。

曲肱爲枕夢難尋。

回頭月色明如畫。

遙指孤城是桂林。



第十一齣 獨歎

(生持燈上)寒雲慘霧壓危城。天地無情未厭兵。長嘯一聲萬籟寂。江南愁殺庾蘭成。我王開宇同母親寄居此地。聞得嚴關已破。省城危在旦夕。怎生是好。

〔皂羅袍〕短髮西風無恙歎。東南半壁換了滄桑。半堦明月影荒涼。一城刁斗聲悲壯。家山何處。迢迢故鄉。兵戈滿地。淒淒戰場。這殘山賸水徒惆悵。

我想榕江兵力不薄。如何北兵就會打破呢。(獨坐尋思介)呀。不錯。父親爲着于元燁背盟一事。會同趙氏理論一番。彼此各懷私怨。所以北兵一至。就是不可收拾了。咳。想起我幼年下聘之時。本是他的母親作主。如今他母親已死。那父親就變了卦。豈不可恨。

〔掉角兒〕〔序〕結因緣文禽一雙。締姻眷聘錢百兩。主婚人是君家老娘。負心人是你家堂上。幸而紺珠底死不願。雖已改字趙氏。所以尙未出嫁。到如今呵。美嬌娥寫不了相思稿。俊王郎說不盡淒涼况。兩個人一般模樣。呀。我錯了。這般世界。還要把兒女

之情。消磨志氣。我王開宇好沒志氣也。乾坤板蕩。誰來主張。細思量。管甚的愁脂怨粉。這些閒賬。

而今風聲鶴唳。草木皆兵。萬一省城不守。那就完了。

〔一封羅〕（封書）尋思欲斷腸。望中原逐鹿場。此番北兵之來。其勢不小。你看他十萬精兵都少壯。只我這一座空城怎抵當。（皂羅袍）淒清無語。心中自傷。興亡如夢。人間怎忙。問明朝結局如何樣。（內吹胡笳介）（生）

〔尾聲〕胡哨幾陣連天響。惹得胡兒拍掌。咳。便是這一身。尚不知怎般收煞也。怕錦瑟年華不久長。

深夜愁心不易消。
長歌短哭到明朝。
幾根白骨歸何地。
仰看機槍星高斗。

第十一齣 愁語

〔三疊引〕（旦全貼上）（旦）前生定下愁煩種。竟做隨鴉翠鳳。薄命不須論。留下一場春夢。

奴家聽了父親之言。以為王郎已死。誰想都是父親意見。因欲依附趙氏。為此瞞起家人。將奴改字。咳。父親我好恨也。

〔九迴腸〕（解三醒）結聲援將人搬弄。負盟言將我欺蒙。鴛鴦打奪團圓夢。把女孩兒活作磨礮。我仔細想來呵。既然是親生父母多難靠。則這些恩愛夫妻更是空。徒悲痛。（三學士）將鋼刀割斷情魔種。飲西江洗滌心胸。我立志已堅。世緣早斷。多謝月下老人把我東拉西扯。到了這般地步。好不痛心也。浮沉一世風中絮。耽誤三生月下翁。（急三鎗）從今後蒲團上。蓮臺下。修真覺悟禪宗。

（貼）小姐年華正少。何忽出此不祥之言。（旦）你那裏知得。我前日一夢。早安排下我一世了。

風 洞 山 傳 奇

〔巫山十二峰〕〔三仙橋〕自那日紅樓一夢。悶葫蘆有誰弄。我芳心自寶。把如來供奉。〔貼〕夢境不足爲憑。〔白練序〕哀慟總是空。况春夢難憑。吉與凶。休驚恐。小姐且自耐煩。蔭娥想來。趙氏勢燄薰天。必然傾敗。待到那時節。小姐姻事就可轉圜了。冰山縱好。有時搖動。〔醉太平〕〔旦〕〔搖頭介〕無用。高堂懵懂。就算他日可以轉圜。我料王氏誰來睬我。怕無人照管。倒變做斷梗飄蓬。所以我一切不問。止求保全千金之體耳。堅貞自守。聊遮架。怪雨盲風。重重。〔普天樂〕屠刀放下千斤重。靜守空閨。將經誦。假情禪。久已參通。幻曇花。何勞下種。梵王宮。是咱末路行蹤。〔犯胡兵〕晨鐘暮鼓。增悲痛。把塵緣斷送。願自今大發慈悲。化身超度衆。〔貼〕如此說來。小姐是一定出家了。〔旦〕我何嘗要出家來。呀。出家豈容易的。〔香遍滿〕你只道是禪門廣大。世人容易從。須知道莽乾坤。跳不出猢猻洞。〔貼〕如此說來。小姐是不出家麼。〔旦〕我何嘗不想出家來。但不知佛子許我否。〔瑣窓寒〕問維摩是否相容。可曉得百尺靈山方寸中。但塵心未改。總是無功。〔貼〕小姐口中說得十分解脫。心中委實愁悶。這又何必呢。我看小姐呵。〔劉潑帽〕你參禪說法。眞虛哄。你背地裏恨不窮。掩繡衾。和愁擁。〔大勝樂〕鎮日價兩行淚。涌。我看世上女子。稍有些不如意。便要修行奉佛。小姐你爲何也是這樣呢。難道女兒情性。畢竟相同。〔旦怒介〕你倒譏諷我了。〔貼〕〔賀新郎〕勸娘行息怒。休爭訟。須不是暗譏諷。〔旦〕出家不出家。再也休提。終是我命分太薄。所以姻緣乖誤。咳。〔箇箇高〕奇緣未許逢。問天公。人間恨事何紛總。奴想飲酒消愁。最是雅致。只女人家從來未有此舉。我今日愁悶不堪。偏要痛飲一番。別開生面。呀。抱着個梨花甕。銜了個白玉鍾。那時把人間一切愁恨。消滅得乾乾淨淨。逃出個紅塵籠。料杜康難得與裙釵共。〔東甌令〕胸中塊壘盡消融。贏得醉顏紅。蔭娥取酒來。〔貼應介〕〔內喊殺介〕〔衆侍女奔上〕小姐不好了。城中兵士。自相殘殺。北兵已將殺到了。〔旦〕父親呢。〔衆〕不知何往。〔旦〕啊約。

〔尾聲〕割不斷骨肉情。禁不住干戈動。教我這亂離時世更何從。咳。我于紺珠不知流

小 說 林


落何所也。只怕是流落他鄉哭路窮。

身世飄零可奈何。

(貼)朱顏未老莫蹉跎。

滇中不少憂時客。

(旦)將士誰提殺賊戈。



風洞山傳奇下卷

長洲呆道人填詞

第十三齣 省師

〔粉蝶兒〕(小生扮張同做引衆上) 憂患餘生。慙愧煞書生戎馬。苦伶仃劫運龍蛇。問皇天。呼后土。大明朝如何支架。淚如麻。到今有何方法。

銅帽棕鞋自在行。哥哥跨馬瞰危城。大旗換却中原字。笳鼓分明塞外聲。小生姓張。名同做。表字別山。自靈川一路而來。聽說桂林萬分危急。怎的到了此地。寂無一人。(內吹胡笳介)(小生)這聲音甚近。(遙指介)城上又是無人。看這光景。是守不住了。不知吾師瞿式耜到此如何擺佈。待我進城一遭者。(指江介)只是江中別無舟楫。怎生過去。(轉念介)只得泗水過江。然後進城了。(引衆作泗水狀介)(下)(外衣冠愁容上)(副淨扮重隨上)(外)

〔粉孩兒〕匆匆的換兜鍪。披鎧甲。歎朱家事業。這般收煞。空城一座容個咱。